

OMUKUETU

No.2

FEBRUARIE

1956.

OMAKUNDILO GOKUMARANGU.

Aamuameme aahoolike!

„Ongoje Kristus, Omuna gua Kalunga omunamuenjo. Ongerki oja tungilua kemaanja ndika, jo itaji ka sindua nando okomijeelo doheli.“ Oshinima shika tu shi dimbulukueni omacimbo agehe, melago nomuudigu.

Otse aakuashigongi shaaluteri jomu Afrika alihe tua gongala kuMarangu otatu kundile po aamuameme ajehe aaluteri jomu Afrika, muMadagascar, muAsia, muEuropa nomu Amerika. Otatu mu pandula, sho mua dimbulukua oshigongi shika oshinene nomue shi galikanene. Otua mono mpaka omajambeko ogendji. Moonkundacana detu otua dimbulula uukumue uetu uopambepo notui ilongo okutsejacana nokuhoalacana. Kalunga, Omuhupici guetu, ngoka a hala aantu ajehe ja hupicue, okua aadimicua ngeji mokugongala kuetu.

Nando ongeji. otse itatu vulu okudimbua po uudigu uongashingeji. Otse ongerki jomekondjo. Ekondjo ljetu kali shi okukondjica onjama nombinzi, aaue, otu nokukondjica aaua naanankondo naapangeli juujuni uomilema dika. Otu nokukondjica uo satana nuujuni nonjama jetu jene. Aatondi orendji aadigu naanankondo taa matukile ongerki je ji kondjice. Islam, eitaalo lja Muhammed, otali taandele mu Afrika noonkondo nuuladi, oshoka oljo oljomuujuni notali popi mbjoka jopaujuni, ombjoka jokuguanica uuhalu uonjama. Onkee aantu juujuni oja hokua oku li pulakena noku li taamba. Aanongo oja toto omatati ngoka taga vulu okudipaga po aantu ajehe, ano aatoti jago uo. Aanandunge orendji otua simaneke oshishitua peha ljomushiti. Ojo ja inekela oonkondo daantu nuuntsa uaantu notaa kondjica eitaalo. Uuntsa uopashiguanahalo ekukutu ljekudina omaludi galue noku ga ciminika, nomakucacanopo pokati komazimo nomazimo nokiilongo niilongo otaga topola iiguana notaga eta iimpaga. Elongo lja kommunisme otali taandele kiilongo niilongo nolja hala okudima uukriste auhe. Uupagani opo u li natango ouindji, nojendji oja tameke okuvundakanica uukriste nuupagani.

Onkee ano itashi kumica omuntu, ngele oonkundacana detu uo da holola omauvito gi ili nogi ili. Pomacimbo gamue otua fa tua kala naanaa posheelo shegulu notua dimbulula oshili jomohapu da Kristus, sho ta ti: „Taku ningi oshigunda shimue nomusita gumue“. Otua fa tua makele nokuli uutoje uelago ljomegulu! Shika osha etua kohoole jaamuajinacana jomu Kristus. Ihe sho tua tala isheue uudigu uongashingeji, otua aadika kuumbanda nokuucigua notua tameke okupulacana: „Kristus oku li tuu mokati ketu, nenge otue mu kanica?“ Oje ngoka ha kala aluhe popepi natse moohapu de nomomasakramenti ge, okua Etsikilo ke pandja eti 8.



„OMUUA E NOONKONDO OKU MU
CIKAMEKA.“

Rom. 14:4.

Uunkundi uokukalamuenjo kuopambepo nomahilacano pokati kaantu, iinima mbika ajihe ohaji zi mediladilo tuu ndjoka omuntu sho e shi ota vulu shoka Kalunga auike ha vulu okui shi ninga.

„Omuua e noonkondo oku mu cikameka.“ Ano ngele ando tu noshimpuiju omoluomuntu guontumba e li popepi natse a mone ondjila juuka mokukalamuenjo kue, inatu mu puleni shoka tashi njenge oonkondo de. Kape na ngoka e noondunge no e noonkondo okuitaala Jesus Kristus Omuaa gue nokuja kuje, aue. Okukala kua nikopakriste omuntu ta vulu ngaa oku ku holola koonkondo de muene, ihe eitaalo lja shili ndjoka tali vulu momamakelo na ndjoka tali holola ohoole meididimiko omuntu ite li vulu, oonkondo dOmuua adike tadi vulu shika. Tu ciminikeni ano Omuaa tuaa nezimbuko omuluoshinima shomukuetu nguka.

No miinima jetu jene uo Omuaa oje auike nguka ta vulu oku tu cikameka. Ita hi kumica ngele tatu adika tua vulua melondjo ljetu na ngele tatu punduka miinima jomegumbo. Ihe omboka haa tegelele Omuaa, oja mono aluhe oonkondo oompe. Napu

kale ano etegelelo tali indjipala aluhe. Napu kale oku mu taalala aluhe, nguka ta vulu no ta hala oku tu kuaca.

Omukriste nguka ta dimbulukua kutja Omuaa oje auike omunankondo, oje ta kala ecimbo ele megalikano koshipala shOmuua:

Okudimbulula okuaanoonkondo kuetu okua fa okuo akuke taku tu longo okugalikana. Shaa mpoka oonkondo da Kalunga tadi monika mokukalamuenjo kuomuntu opo mpoka aluhe pua kala okugalikana okuindji. No tatu uapa ngiini ando okumona oonkondo da Kalunga ngele ihatu kala noku di taamba megalikano.

Omuntu omugalikani auike ta vulu okumona iinjengandunge ja Kalunga.

Ekotatumbulo ljokukalamuenjo kuetu nali kale oohapu dika:

„Omeho ga taalela Jesus.“

Martti Simojoki.





FEBRUARIE 1956.

OONGUNDU DOPOKATI.

Momagongalo getu omu naantu jomapipe agehe, okuza kuuhanona sico kaakulupelela. Momalongelokalunga osho tuta ja aada uo, okuza kumboka taa kuiininua sigo kumboka taa isisida nomaluoondje. Osho shi nokukala uo, oshoka omapipi agehe otaga pumbua ehupico, nonkee je nokumona uo ejakulo ljoohapu da Kalunga.

Ongerki jetu oja hala shili okusila iiljo jajo ajihe oshimpuiju. Uunona oua dikilua ooskola dosondaha nooskola deputudo. Aagundjuka otaa mono elongo ljuukriste moskola jekoleko, nokuza mpoka ojo taa tegelelua ja holoke miigongi jaagundjuka. Aakuluntu ohaa gongala moongundumbimbeli. Aakulupe mboka ja niengua okupita megumbo, otaa talelua po kaasita nokaataleli nokaagundjuka jegongalo.

Nando ongerki jetu ja kambadala ngeji okusila ajehe oshimpuiju, onkene tuu kua dimbululua, nkene pokati koongundu doka da tumbulua pua kala natango omapipi gamue ngoka kage uete nkoka ge nokugama. Onkee ogo ga ningi oongundu dopokati.

Ongundu ndjika jaagundjuka je nomagumbo itaji pumbua okudikilua iigongi jauo ji ili, oshoka ojo ji itula pokati, inaa tulua po. Ojo otaa vulu okugama shaa nkoka ja hala. Ojo aagundjuka natango, onkee oshigongi shaagundjuka oshauo natango. No ngele inaje shi hala, kape na ngoka te ja tida mongundumbimbeli. shaa taje ja mo. Naa je ano, nkoka ja hala. shaa tuu itaa muena kegumbo. Oshoka ngoka ti isica ondjala, oje ota suunkundi shili.

Ihe ope na natango ongundu onkuauo jopokati ndjoka ji li pokati shili. Ojo ongundu jaanona mboka ja pita moskola jeputudo jo itaa pitikilua natango moskola jekoleko. Moskola jaanona oja lalekua mo. Ngiika inaa mona ompito jokuja moskola jaamati nenge mokagumbo kaakadona. Moshigongi shaagundjuka itaa vulu mo aniuu natango oshoka inaa kolekua. Otaa ji peni ano? Kaje na mpoka taa ji, okuninga melongelokalunga mosondaha.

Onkene tuu aanona tuu mbaka oja pumbua okusilua oshimpuiju naua, je vule omapipi ogendji. Moomvula dauo, tu tje pokati koomvula 12-16, omunona oti ilongo okudiladila muene, nehala lje tali kolekua. Moomvula tuu doka oje ta konakona uujuuni, opo a mone eha lje muuo. Onkee moomvula tuu doka oje ta pumbua okuulikua kaakuluntu mboka je nombepo jeputudo ljopahapu da Kalunga. Ojo ngele taa eciua ouala, otaa ji ombepo juujuni mbuka.

Aanona mboka ja pita moskola oje nokuningua ano ngiini? Momaucompango gongerki jetu moshitokolua 60 otaku tiua:

„Ounona ovo va pita momanongelo ounona, vo inava fika mepameko, ovafitaongalo nave va ningile oshisho, va ningilue oiongalele ojo tai va uana.”

Osho Omuwa e shi tu pitikile. Otwa thiki ko nawa notwa nyanyukilwa okukala pamwe naatumwa yoongerki adhibe oonkwaluteri dhomuAfrika alihe. Yamwe ya zi kuuninginino kuNigeria, kuLiberia nokuKameruun sha Frankryk, yamwe ya zi kuumbangalantu, kuEtiopia, yamwe kuuzilo, kontuntu ya Madagaskar, yamwe muTanganyika shoshene, ihe ongundu onene ya zi muSuid-Afrika, oshoka etata lyaakwaluteri ayehe ya Afrika ye li muAfrika ljuumbugantu. Aanashigongi atuhe kumwe twa li 150, mumboka 100 aayafrika aavalelwamo.

Otwa gongala moongulu dhetumo, moka twa mono iikulya nomilalo omiwanawa. Ondundu onene ya Kilimandjaro otwe yi tala esiku kehe. Ondungu yayu oya toka to, oshoka olumi otalu yi siikile ethimbo alihe, Natango pe na nga olweendo lwomasiku gatatu okuza kuMarangu nokuja sigo kondungu yondundu.

Oshigongi osha longekidhwa wo nawa, opo aantu mbo taa popi emalaka gi ili nogi ili ya uuve ko. Ipopiwa ya aadhika ya shangwa momalaka gane, nomashina ge nondilo ga zi kuEuropa ge tu kwatha, tu hogolole po elaka ndyoka twa hala oku li pulakena, ngele ohsienglisa, oshifransa, oshindouishi nenge oshiswahili. Aatoloki ya tolokele mombako, manga tapu popiwa, onkee mokutoloka inapu kanithwa ethimbo nando. Moosondaha mwa gongalwa pondje, aantu yomuushiinda omayuvi ya gongala momalongelokalunga.

Aapangeli aanene oya dhimbulula oshigongi shetu. Petameko goewerner Twining okwe tu popitha, nomukwaniilwa gwaatshagga Marealle II nomukulukadhi gwe oye tu ithanene wo megumbo lyawo. Osho twe ke

Osho kua tiua, ihe ualjeuo, ngele pe na egongalo limue lja guanica oshitokolua shika? Tse inatu hala uo okupa omagongalo uusama moshinima shika. Omaucompango getu inaga tsejika natango koombinga adihe. Aajakuli jomagongalo inaa pukululua natango moshilonga shika mokati kaanona ja pita moskola. Uunjengui otatu dike na mboka je nehala euanaua okulonga sha.

Aatumua jamue oja kambadala okutameka iigongi jaamati aashona nokuputuda uo auulikili iigongi jatjangaaka. Otatu ja pandulile oonkambadala dauo. Kalunga ne ja pe oonkondo okutsikila oshilonga shauo oshiuanaua. Ihe natse uo jalue itatu vulu okukuutumba ouala tu tale, shoka taa longo. Itashi vulika mbela megongalo kehe omulongi gumue a tameke okuicana aanona mboka ja pita moskola, ja gongale nando esiku limue moshuike ootundi mbali komatango? Oohapu da Kalunga nadi kale ekota ljoshigongi shatjangaaka. Ihe iinima iikua uo mbjoka iuanaua naji peue mo eha. Pamue pe na shoka aanona ja hala oku shi ilonga natango. Pamue pe nuudano uuanaua mboka tau vulu okudeula omalutu gauo nomadiladilo gauo. Pamue ope nuulonga uejakulo mboka taa vulu oku uo longa megongalo ljaandjauo. Otu shi shi, aanona oje hoole mpoka tapu ningua sha.

Ongoka ta likolele Omuaa aanona jonena, oje ote mu longekidile oshiguana shongula. Tu sileni ano aanona jomagongalo getu oshimpuiju!

ya talela po nga. Omwalu gwaatshagga gu thike pungoka gwaawambo, noyendji ycmu-oyo oyo aakriste.

Omulongekithi nomunashimpwiyu gwo-shigongi ashihe oye doktor F. Birkeli gwokuGeneve, Switzerland. Oye e tu uuvithile, muAfrika nkene mu niyeelo oyindji ya patwa. Mu-Noord-Afrika, moka mwa kala nale omagongalo ogendji, kamu na we aakriste, oshoka ayehe ya sindwa kaalIslam (ye neitaalo lya Muhammed). Aatumwa taa tsakaneeke ashike iyeelo ya patwa. Osho wo miilando iinene ycmuAfrika mu roma-udhigu ogendji. Uupagani uukulu u na nga oonkondo, uuhalu wonyanana wa hala opendji okuyona oshilonga shOmuwa. Ihe Yesu te ende nena ngashi a ende shito, ta piti womiyeelo ya patwa, te ya kaalongwa ye ya tilithwa koonkondo dhuuyuni. Onkee itatu lalakanene sha shilwe, moshigongi shetu nomehangano lyoongerki, oYesu Kristus awike, oshoka oye ta vulu ashihe mushoka tse twa nyengwa.

Osho iipopwiwa ayihe noonkundathana adhibe dhoshigongi dha kala mundhcka dhi noshilonga oshinene kutse aakriste. Itashi vulika ndi dhi hokolole adhibe. Ando te shi ningi, ando iifo yomimvo otayi pwile ndhoka. Omuwilikihapu gwehangano lyoongerki oonkwaluteri oko a li wo, oye omubisofi Hanns Lilje gwokuDuitsland. Oye e tu uuvithile melongelo lyotango, noshipopwiwa she oshikwawo osho 'Uuthiga wetu woshigwana nuuthiga wetu womuukriste.' Oshipalanyolo shika tashi holola nokuli iipopwiwa ayihe nkene ya yekelele okutala omadhiladhilo agehe nokukala akuhe muu-yelele wevangeli. Shoka tashi kondjitha oohapu dha Kalunga oshi nokukondjithwa, nando iigwana ya Afrika ya kala nasho ethimbo ele noyendji ye shi hokwa. Oohapu dha Kalunga nkoka tadh dhigininwa, otadhi ikongele oondjila okuholoka momikaloo mipe notadhi oopaleke wo uuthiga woshigwana u longithwe pahalo lya Kalunga okusimanekeitha edhina lya Kalunga.

Otse aatumwa yongerki yomOwambokawango twa pewa ompito okukunda omubisofi Lilje. Leonard Awala e mu popitha nokwa gandja peha lyetu atuhe ontungwa yoopala ya tungwa kaakadhona aawambo. Omubisofi a yamukula kutya omagano ngaka nepopitho ndika otali mu nyazyudha nota kala e tu na momwenyo gwe. Ote tu halele eyambeko lya Kalunga

Oondunge odhindji otwe dhi pewa ku professor Meye, oye omulongi gwelongo lyetumo moskola yokombanda muHamburg muDuitsland. Oshipopwiwa she osho 'Ehempululo lyetu neitaalo lyetu.' Okwa ti: Ngashika omahempululo geitaalo ngoka tu ga na ga totwa pomukanka gwoohapu dha Kalunga, ga holoka mekondjo mokukondjitha omapuko gomaitaalo gi ili nogi ili, osho wo mekondjo moka ongerki onkwaluteri ya li mo ngashingeyi namu totwe ehempululo ekwaluteri lya Afrika, moka tamu hololwa oohapu dha Kalunga nkene tadh tu ulukile omapuko gaamuhamed, gaakatoliki, giimpaga, gesimaneko lyiimenka nomaitaalo omakwawo ge li mu Afrika taga kondjitha oohapu dha Kalunga.

Omulongi gwelongo lyetumo omukwawo professor Sundkler okwa zile kuSweden.

OSHIKOLOLO SHOMEGUMBO

EPUTUDO LJOPAKRISTE MOMAGUMBO.

1.

Oluindji nopendji tatu aada okuaputuka monapipi nmapipi. Ihe ngele tatu konakona ekota ljuusama mbuka, otatu li aada momagumbo. Uukriste sho ua taandele mOuambo jetu, otatu tegelele egumbo kehe ekuakriste li putudile ojana muukriste ashili. Oshinima shotango tue shi tala puujelele notashi tu tilica nokuli osho eipangelo lja holoka ngashingeji mokati kaagundjuka. Ihe ekota clindji oli li momagumbo, omolu eputuko ljopakriste lja suunkundi.

Eputudo ljopakriste oi nshilonga shika: Otali eelele aanona muukaanevuliko. Omuaa Kalunga oje ta pula maantu ajehe evuliko. Oje sho a gandja iiponga je ota tegelele evuliko. Moshiponga oshitine oje te tu uvanekele nokuli elago tali zi mevuliko, nomuenjo omule tagu zi mevuliko. Omuntu ngoka ti iilongo ngeji okukala mevuliko nokohi jepangelo ljompantu, oje uo ta vulu okukala kohi jepangelo lja Kalunga. Manga momuntu muene muua neididimiko, itashi kuaca nando u mu lombuele luecele: „Ididimika.” Oto vulu ngiini okutja: „Ondi hole Kalunga,” ngoje ho tondo omumuanjoko. 1. Joh. 4:20.

Moohapu da Kalunga omua njolua: „Vulikeni kepangelo kehe ljopantu.” 1 Petr. 2:13-13. Noonkuauo: „Vulikeni ku Kalunga.” Jak. 4:7. Onke ano otu shi shi Omuaa Kalunga ota pula evuliko momuntu kehe. Ihe evuliko ndika, aanona otaje li aada peni ngele eputudo ljopakriste olja suunkundi momagumbo gaakriste?

Tu shi shi uo kutja eputudo ljopakriste momagumbo otali kokekele aanona metilokalunga. Ihe etilokalunga oljo ekota ljuunongo auhe. Eps 111:10.

Ondi shi shi aakriste ojendji oja hala

okuuva naua eputudo ljopakriste momagumbo nkene tali hololua ma non. Shoka otandi shi eta mpaka kashi shi ando oshipenima, ihe oshika tuu osh'kulu, va kala nasho okatameko; nando sha dinica momoho goje. Oshcka okua rjolua: „Oshoka ugoja ua Kalunga u nuuongo u vu'e aantu, nuunkundi ua Kalunga u noonkondo di vule aantu,” (1 Kor. 1:25.) niisheue: „Oshoka oohapu da Kalunga di nomuenjo noonkondo do di nomajego di vule egongamuele ljoongenge mbai.” (Heb. 4:13)

2.

Oandaha jongula nongulohi ojo oshikokici shuukriste momuenjo daajehe. Mokanona otamu kokekelua okudimbulukua Kalunga noku mu hambelela omolu egameno lje, sho uusiku ua piti inaa val'ondjamba. Osho uo taka longua oondjigilile okuiindila Kalunga onkondo oompe da guanena iilonga jesiku ndjoka. Mokanona taimu cindilua omadiladilo gokupandula Kalunga aluhe konima jilonga sho ja pu, inaapa holoka iiponga. Ojuiimbo poandaha nokulesha oohapu da Kalunga nokugalikana taku kokekele momuenjo guokanona etilokalunga nondjuulukue onkuagulu. Omukuluntu a fa itaa dimbulula shoka tashi ningua mokanona, ihe nani otamu tungua omukanka gueitaalo lja kola. Nokuli egumbo alihe otali mono ejambeko lja holama, naanegumbo uo jojene taa njengua oku li dimbulula. Shika otashi ti, aakriste ojendji oja kanica ejambeko ljomagumbo gauo neputudo ljopakriste mojana omolu okuec'oandaha. Kambadala u tale u diginine oandaha uule uomvula jimue, ngoje to ji eca uule uomvula jimue; oto ka dimbulula nkene egumbo ljoje tali ka puila meshunduko tali ku sic'ohoni. Akutu aakriste ojendji ja kanica elago ljomagumbo gauo noljaanona jauo omolu oandaha ja eciua!

M. Kristian.

Tadi tsikilua



OMUKALO OMUUANAU.

Momagongalo go moongerki dokiilongo niilngo ohaku ningua omukalo gumue omuanaua - Basaar - guokulandica iinima jiili nojiili ja longua noja gongelua kaakua-negongalo, okukuaca egongalo, Niinima jatjangauo ojo: iitungomua niihongomua, iihondjua na jilue nge ja landua moostora.

Ehanganogongalo miilonga ljatjangauo, lja ningua luotango mu Elim e ti 10.12.1955, meuiliko ljaatumua Mej. L. Kivelä na Sister A. Linkola. Noshiningua shika osha fetame-meko epe mehokololo ljomagongalo gomOuambo, okukuaca egongalo pamukalo guokulongica iikaha. Ihe omukalo nguka nando gua holoka omupelela, aakuanegongalo oje-ndji je gu taamba nomuenjo omunenguni nehalo euanaua. Onke kua monika ojendji ja longica iikaha pamaganohenda je ga peua. Oshoka „ongoka e shi okulonga uuanaua, je ite shi ningi, oje oku noondjo” Jak.4:17.

Iinima mbjoka ja longua nenge ja kongua oja etua kaauiiliki, ji longekidue no ji didilikue ondando jajo, manga ecimbo ljoshituci shehandico inaali cika. Aakulukadi oja eta iijuma noontungua manga aakadona, omashungu niihumbatico niitungomua jilue. Aasamane, omipini domatemo niijala niikua-uo jilue. Aatumua joku Elim ja longekida nokuhondja nokutunga, uuhema nuumbindja uaanona niikuauo jilue uo. Naalongikadona aauambo uo otaa vulu okuhinga pamukalo ngu, aatumua ja ningi. Pua monika uo konjala £5.- ja etua kumboka ja li inaa mona ompito okulonga sha niikaha.

Esiku ljoshiulo. aantu ja gongala tango megalikano nepopico mongerki, moka uo ja fatululilua omikalo dokulandica iinima pamukalo gokukuaca egongalo. Mokulanda nkuka omuntu ta vulu okuilandela sha mumbjoka e ji longa nokue ji eta, nenge mumbjoka ja longua noja etua kujakuauo, e shi pumbua nenge inee shi pumbua. Onke ehanda ljesiku ndjoka lja etele egongalo £36. 10-.

Otatu hambelele Kalunga omolu omukalo ngu omupe okukuaca omagongalo. Kalunga na jambeke aauiliki jaguo naakuanegongalo je gu taamba notaa gu landula.

T.A.

TUMENI OUNONA KOSKOLA.

Ovauambo ovaholike, ohai mu kumaida, mu tume ounona veni meeskola, osheshi omu nekuafu laapeshc. Moskola otamu nongekua eendjovo domuenjo da Kalunga ketu nomuvalu nelaka ekuailongo lepangelo.

Fimbo nda li pofarma jomumba, onda hangika po kokamati okauambo ke uja ko noka peua oilonga jokombifa komuhona uetu. Ndele opa kala oudjuu unene pokati kavu nomuhona, osheshi ke uditeko elaka loshAfrikaans. Efiku limue ola ninga loluoodi nokuli. Eshi nde uja pokati kavu, omuhona a ti: „Pulile nge omuuambo ou, oshike ita longo, ngashi handi mu lombuele.” Okamati oka ti: „Ame ngi uditeko elaka lomuhona uange.” Omuhona okua ti: „Omoluashike u he udite nge?” - „Tate ina tuala nge moskola oku ka longua Afrikaans. Etimba ola tate, kali fi lange.”

Heno, omukuetu omuholike, Omuene Kalunga ota ti ngahelipi keendjovo dokoi-pango? Ndi shi, ota ti: „Ame ihai fi ounje okukongolola omatimba oohe kounona vao.”

Ovashunimonima, ohai mu popifa: Nande namu kale mua punduka ile mua loka neongalo, tumeni ounona veni moskola. Ovapaani ava hamu lesa oshifo eshi tumeni ounona veni koskola, osheshi etimba lavo oli li munje. Ovakriste vakuetu onje tuu ava mu li kokule neengulu doskola: nava tumue va ka kale pomaambo ookaume keni ava ve li popepi nongulu joskola. Mark. 10:13-16.

Mikael Shikuambi,
Pk. Okaputa, Distr. Otjiwarongo.



Oshikololo shaagundjuka.

MUTALENI NAHENDA.



25. Mutaleni okua ti! „Hanna, tua fa katu li ue kokulekule nongulu. Cikama ihe, tse tu je.“ Ihe Hanna sho a jelekele okucikama, a kuatua koshitelele. Mutaleni a tameke okukuga onkugo.



27. Gumue guomaalumentu okua papatele Hanna mekolo lje nokue mu humbata sigo kongulu. Mutaleni okue ende ponto je.



26. Aalumentu jomomukunda ngu ja adika ja landula iinkoti joonime da li da kuca oongombe miigunda jaantu. Ojo no ju uvu onkugo ja Mutaleni no ju uka ko, no ja ada uunona ujaali, kamue ke noshitelele, okakuauo taka lili.



28. Sho ja ciki kongulu, oja ada aantu ja pjagana no je li moluhodi omolu uunona ua kana. Enjanju enene aube ujaali sho ua monika. Ihe Hanna a kala mombete ecimbo ele. Kui a tsuua naji komutenja. Mutaleni a li moluhodi, a tila Hanna ngiika ta si. Omvula sho ja loko, omavo oga holoka Mutaleni nokui inanjuda nago.

ONGOJE OTO NINGI NGIINI ANDOLA?

Menongelo ljontumba omunongeki a kundacana pamue naalongua je o namanja ge nondilo nkene ge li po no nkene pe na omahala gamue omamanja ngoka taga monika ko. Esiku limue omusamane gumue a mono emanja li nondilo onene noonkondo. Oongombe adihedihe domiilongo jaauambo itadi guana okulanda emanja tuu ndjo. Ihe ka kua li ku na ngoka a uapa okulanda emanja ndjo, onke je li gandja komukuanii-lua omagano.

Ihe pe na omamanja omashona kashona ge shi kulandua po, taga pula andola oongombe ntano nenge di vule do. Ohaluka omunongeki a pula: „Andola ongoje ua mono emanja limue lja tja ngeji ando ngoje oto ka ninga ngiini naljo?“ Aanongekua ja diladila okacimbo, opo gumue a jeluca oshikaha she e ta ti: „Ando ongame nde li mono, ando nde li tula meholamo, peha ndjoka itali tsejika kaantu. Itandi ke li monicila nando komuntu. Ihe muuike tandi ke li tala noku li njanjukilua!“ Omunongekua omukuauo a ti: „Na ngame uo nda hala ndi ninge ngashika nguka.“ Ihe omunongeki a pula: „Emanja ljoje li nondilo tali kuaca shike ngele to ningi ngeji?“ Aanongekua ja tameke okudiladilulula isheue. Ngiika ngoka a gandja ejamukule ljotango a dimbulukua uungame ue mbuka ua holoka mejamukulo lje.

Na ngoje uo, mokulesha ehokololo llandje. Ngiika ngoje u li po ua fa ngoka a mono emanja li nondilo onene nokuli. „Olini po?“ to pula. Ua mono Jesus! Nenge ino mu mona manga? Konga sigo to mu mono. Na Jesus uo e li po te ku kongo. No ngele ue mu mono naje e ku mono nena to vulu okuimba nenjanju: „Nda tool' eue enene ndjo onde li kongo po.“

Ihe ino holola „eue“ ljoje u li tale muuike. Ongoje ua icanua u holole aluhe napehe oshaaluata shoje shoka ue shi mono mu Jesus. No mokuhololola Jesus oto ka mona enjanju epe enene li vule ndjoka ljotango. Indila Omua e ku pe oonkondo noondunge okuholola Jesus shaa mpoka to ende: Ojendji otaa kongo enjanju notaa kongo ombili. Ja hokololela nkoka ue ji mono, kokutja taji monika mu Jesus.

Na ngoje nguka ino mona emanja ndika Jesus nda hala ndi ku lombuele: „Konga, ino vulua! Oto ke mu mona, oshoka na Jesus uo e li po te ku kongo. Moku mu mona to ka njanjukua nenjanju enene li vule omanjanju agehe gomuujuni mbuka.“

UA TSEJA?

1. Omolua shike aajuda ja lukua aaheberi?
2. Omolua shike Pilatus a gandja Jesus mokusa?
3. Edina „Barnabas“ tali ti ngiini?
4. „Marangu“ oshike?

Mokujamukula ito pumbua u njolulule omapulo, aaue, ihe tula onumeri jepulo, ngashika: 1. Aajuda ja lukua aaheberi, oshoka . . . n. sh. t.

Omajamukulo naga tumue kOmukuetu kOniipa, notaga tegelelua sigo 31 lja Maart.

1.

OMIMVO.

3.

Mokukala kuandje tango kandi noluhodi. Nen' uujuni mbuka ouo oshilongondjodi.

Momumvo omutitatu guandje tandi tseja shili, ku noongala, ku noodila, ku nekaladidi.

2.

Momumvo omutijali guandje hujaka kehale tandi mono, peelo nke'is tapu ji kokule.

4.

Omumvo omutine isheue tagu fala huka, pe nookuume, pe naatondi mokukala muka.

5.

Tatu peua omagano osho komumvo zehhe. Taga pula okukonga ihe kuajehe.

OKAANDJETU

OKUDIGININA ELONGO NDJOKA UE LI LONGUA TAKU KU
GAMENE KIIMPAGA.

**Oohapu dika da zi meuvico ljejapulo ljaasitagongalo
Johannes Nantinda na Tomas Tuutaleni mongerki jokO-
shigambo esiku eti 12 lja Januari.**

Ongerki ja li ja longekidua okutaamba oshituci shi cike mpaka. Oja zalekua iijaa-
le niuanga noongala dilue uo nookinteli
da huama. Aashigambo oju uudica ongerki
naajenda omo ja li uo naatumua konjala
ajehe, mboka ja aadika je li kOuambo.

Melongelokalunga omusitagongalo Ma-
tias Kristian kua li moaltari nomusitago-
ngalo Leonard Auala kua uvica. Oteksti je
ja li Hebr.2.10-11. Jesus oje omujapuli na-
tse aajapulua no pokati komujapuli naaja-
pulua opu nekuatacano. Ngashika Jesus a
japulua kuuehame osho natse uo. Ngashika
Jesus a pulua evuliko, osho natse uo. Eha-
lo lje alihe Jesus kua li gandja li pangelue
kuHe guomegulu, osho natse uo tu noku-
gandja ehala ljetu li pangelue kehalo lja
Kalunga. Ihe okujapulua kuatjangaaka otue
ku hala tuu? Muunjengui mbuka uetu otu
nokudimbulukua Jesus oje omuameme e
noohoole juumuajinacana. Shaa tu li mii-
kaha je, ote tu japula. Nosho ngaaka a
hala uo okujapula egongalo lje nomuntu
kehe, naamati je mboka e ja eta nena
poaltari je ja ninge iilongico moshikaha
she.

Konima jeuvico omukuluntutumua B.
Eriksson a ji koaltari pamue naatumua

Oye ngoka a konakona nawa eputudho
lyaalongi yomomagongalo muAfrika, okwe
tu hoxololele oshilonga shika. Ngashika
Yesus ine ya a lonjelwe, ihe a longele, osho
aalongwa ye ay he oyi ithanwa ya kale,
hakupangela ihe okulongela aakwawo, noku
ya kwatha nayo ya dhimbulule uulunde
wawo nehupitho lyomuYesus Kristus. Opo
aasita ya wape okutsakanitha nawa oshilo-
nga shawo, otaa pumbwa okuhumitwa
komeho. Pamwe tashi vulika mu Afrika mu
dhikwe oskola ya tya ngaka yetsikilo, andola
mu Rodesia. Oshigongi ashihe sha panda
edhiladhilo ndyoka.

Ongula kehe nongulohi kehe otwa go-
ngala mongerki moandaha. Efraim Angula
a ningi oandaha yesiku lya hugunina lyo-
shigongi. Esiku kehe twa pulakene wo
otundi yombimbeli. Inima oyindji ya kunda-
thanwa, unene ombyoka yi nekwatadhano
nekoko lyongerki dhomuAfrika. Oongerki
adhihe odha eta ehokololo lyadho nokuta-
litha omafano. Osho ongame nda pewa
okuhokolola ongerki yomOwambokavango.

Moorkundathana mwa holoka, Onuwa
nkene ta longo koombinga adhihe dha
Afrika nokupapudhula aantu, unene muEti-
opia nomuMadagaskar, ihe nkene natango
tatu shi pumbwa shili, Omuwa e tu tumine
ethimbo lyepapudhuko. Oohapu dhe otadhi
ti:

„Itedhululeni ano oondjo dheni dhi
dhimwe po, koshipala shOmuwa opo ku ze
omathimbo gomatalaleko.”

Alpo Hukka.

Alpo Hukka, Elias Pentti, na J. Marttunen
naasitagongalo Pinehas Kambonde, David
Shihepo na Ismael Ntinda. Aajapulilua
muusitagongalo ja cikama komeho goaltari
no pooha dauo omunotari Leonard Auala.
Omukuluntutumua kua lesa 2Tim.3:14-4:2.
Moohapu de okua fatulula shoka omusita-
gongalo ta pulua na shoka tashi mu ga-
mene komalongo ga gojoka. Okua indile
ihe omunotari a tsejicile egongalo omadina
gaajapulilua muusitagongalo na mpoka taa
ka jakula. Gumue guomujo oje Johannes
Nantinda nota ka jakula kOshigambo, omu-
kuauo Tomas Tuutaleni ta ka jakula kE-
ngela. Ombaka sho ja gana egano ljuusita-
gongalo oja zalekua ihe omadidiliko guusi-
ta manga ongundu jaambi ja imbi omai-
mbilo go opalelela.

Mokuhulica elongelokalunga ljoshituci
shika oshinene omusitagongalo omupe Jo-
hannes Nantinda okua jakula koaltari.

Kalunga na hambelele shili sho a ha-
la okukoleka ngeji egongalo lje mOuambo.
Je na laleke nuujamba ouindji aamati je
mbaka jaali kua je taamba ja ninge iilongi-
co meke lje.

ONGERKI JOMONDAUNGILO.

Omudo 1946 omufitaongalo a li mEe-
nana A. Kanalelo okua dika eongalo kO-
mundaungilo koushilo uEenana. Efimbo ali-
shi va kala hava udilo omambo mosinagoga
ojo ve i tunga.

Omudo 1953 ova hovela nee okulitu-
ngila ongerki javo. Ovakuaneongalo ova
holola oudiinine uavo. Ova tunga ekuma
oshali, nova honganga omi dolumbo doma-
lute oshali. Ova diinina fiyo tai pu.

Eitiku eti 28 Augustus 1955, ongerki
oja japulua. Oshivilo osha li po shiua shili.
Ovakuaneongalo va ongala naua nova kala
nelimueneneno. Omujapuli oje omuhon-
gi J. Marttunen novajakuli vaje ovafitaon-
galo V. Kau'inge, I. Ninda, J. Hanjango
nomufita ueongalo olo A. Kanalelo.

Omufitaongalo A Kanalelo okua tonga
etumbulo eli nokudiinina kutja: Itai ka di-
mbua nande efiku limue oudiinini uovakua-
neongalo metungo longerki ojo-.

Ofse ovamundaungilo ohatu hambelela
Omuene uetu eshi e tu tungifa ongerki
ojo.

Miika Jakob.

OSHIPONGA SHOMULILO.

Eumbe lomuevangeliste David Haufiku
Omundaungilo ola pja po eti 12 Augustus
1955 alishe. Kalunga na hambelele eshi
omaanda inaa pja.

Mika Jakob

MBEPO MUJAPUKI.

Oshigongi shaasitagongalo ajehe jokO-
uambokavango sho sha gongala kOniipa
omumvo 1955, musho mua uuvacanua, edina
ljopersona ontitatu jomUukuatatu ua Ka-
lunga li tumbulue Mbepo Mujapuki.

Omoluashike aasitagongalo inaa hala ue
okutja Mbepo Ondjapuki, ngashi shito?
Ojo oja hala okujoolola naua pokati ka
Kalunga nokiishitua je. Oshoka ope nombe-
po ndjoka jopanshitue taji pepele shaa mpo-
ka, nope na uo oombepo di ili nodi ili tadi
holoka moomuenjo daantu, ngashi oku
noombepo doompuiduli nokuli. Ihe Mbepo
Mujapuki gua Kalunga oje i ili, ina fa oo-
mbepo doka. Oje Kalunga muene. Onkee
inashi oopala, ngele tatu ti: "Mbepo ndjo-
ka ja Kalunga taji longo maantu," ihe tu
nokutja: "Mbepo ngoka gua Kalunga ta
longo maantu."

Moshikuanjima jo ohatu ti paife
Mbepo Mujapuki.

EPANDULO.

Aamuanamati ja Nakajale jokOranje,
oj tumine jina ekuaco sho a tungu oshi-
njanga she 1955 moka ojana je je nokuja-
kulua. Mboka ja kuaca ojo:

Gideon Shaningua
Johannes Shatiua
Wilhelm Alueendo
Erastus Kambungu
Isak Kalondo
Tobias Mukula
Josef Alueendo
Onesmus Ndipuashimue
Onesmus Lebeus
Tiitus Aihonja
Nestor Autoni
Leevi Amuele
Andreas Shimbo
Jakob Abraham
Johannes Isak
Jonas Kandjumbua
Paulus Shimueneni

Mboka ja kuaca jokomagongalo giili ojo:-

Andreas Shaanika
Joel Benjamin
Sevelen Shitula
Kronelius Abraham
Noa Kotrieb
Johannes Nekongo
Stefanus Martin
Petomus Namuandi
Ja tumu £3.3.6.

Onkee Nakajale a pandula unene no
te mu halele ejambeko lja Kalunga miilo-
nga jeni amuhe. Peha lja Nakajale.

T. Heita

ETSEICO.

Pamue pe na ngoka a kanica osheela
shi hashi kuatele ko okugulu kuokatamba
kuaa gue ko, sha kanena kondjila jokuja
kekango ljlukuambi, ope na shimue shi li
kegumbo ljangje.

Ongame Josef Haikela, Oluvango, O-
mbalantu.

Otandi kundile po aaleshi jomukuetu
Lesheni Efes.5:18, Ehol.22:15;12 Mat.5:8.

SHITLANGU.

o m u n a g u o k o m b a n d a

Lja njolua
ku
Andre de Clerc
na
Edoardo Mondlane

Lja lundululua
ku
Hosea Namupala,

Etsikilo.

Ondi na uo aamuatate aamati jiili nojiili. Pecimbo ljuunona uandje oja li ja kala kUushimba. Sho nda ningi omusitangombe, ohaa holoka moshilongo oogumue noogumue nokukala mo iivike jimue. Opo mpoka tua kala hatu endaenda najo tatu konakona iinima moondjila inaadi tsejika. Otui ilongo uo omaudano kaaga vulu okutsejika ku shaa ngoka.

Aamuatate onda li handi ja tila, nonando nda kambadala okukala inaandi shi holola. Aamati mbaka oja longo ndje okukala omulumentulela.

Esiku limue tse na Majeriman otua gongele oongombe detu notua kuutumba tu popje. Omumentu guomuataate ngu omukuluntu okue ja po. Mekuni nomecimuniko okue tu lombuele tu joge oompadi de. Inandi mu fa, kandi shi guezimo ljaakuaniilua? Ihe je omumentu, omunene a guana oku tu futica omolu okutinda kuetu. Otu na ouala okuipjakidila tu guanice iilonga juupika uo uene.

Onda kuacua koshinima shika. Otandi ka kambadala oku shi ningila jalue.

Otandi tameke okuenda naamuataate, okuulukila aantu jalue kutja otu na ombinzi jaapangeli aanene moocipa detu. Ongame ngoka ndi nesimano lja hololua nokaacici, ngame ndi shi ngame muene kutja ondi na oonkalelo nomaukuatja ga Shitlangu omukulu, onda holola einenepeko nuuntsa ku ajehe kakele ka meme, kuku, kuumme kandeje Majeriman, naapangeli.

Onde shi ningi ng'ileva kutja aantu naa popice ndje. Ihe ngame otandi hogolola ndi popice. No ngele tandi shi ningi, otashi ningua mombepo jeinenepoko. Okusimaneka aantu kaku mo mu ngame.

Otse naamuataate otua didilike kutja omatale nomilonga ogo uujamba uaakuaniilua. Etale Njaurongole lja gama kuuninginino, olju uda oohi.

Uuna omapja inaaga eta iipalua ja guana, aantu otaa dimbulukua omatale notaa ka kuata oohi. Omoshinima shika otse naamuataate otua holola oonkondo detu. Pokati komutenja, aantu ojendjijendji jo momukunda sho ja tokola okuja metale nokukuata oohi nomakupa noniishongo jauo, otua holoka komunkulo notua cikama nko-ka naakalele jetu. Otua kuutumba pevi notua lombuele aamati jetu ja jelice etale. Oja ji momeja, noja popica aajuli joohi nomagandambadi omadigu. Aajuli joohi ajehe oja gongala koontuni nokuendelelela, ja ji momutete pamucika gokujula kuauo, tango omboka inaaja kuata nando osha, ko-

nima omboka ja kuata unene.

Nena otse jomezimo ljaakuaniilua otatu longo meimueneneno notatu ikuaca nokukuca moshimbamba kehe. Kape na ngoka ta diladila oku tu tindila.

Mokuenda kuomacimbo ngame onda tameke okulalakana mokuikongela uuanaua uandje muene, ondi ilongo okulongica naua uunenentu uandje.

Tate sho a li ko okua li elenga nokua li ha topolele aantu je omapja mboka taje mu pula. Tashi ti na ngame ondi na epitikilo oku ikuaca ngame muene momapja moka. Ihe kanda li ndi shi kutja omukua-niilua e na evuliko euanaua nona longice uuvalekele ue nondjele. Esiku limue meme okua tokola a longe ndje.

Omukiintu omukuanaluhepo okue ja ku je ta keme uuinaji nda longo mepja lje, epja ndjoka tate e li mu pa. Meme okua li a sohoni molua ndje.

- Tala omukulukadi ngu, - osho a ti, - ongoje to kuca iikulja mokana ke! Kape na ngoka e na nokanona u cike mpo nonando u na edina lja Shitlangu. Uunenentu kau nokuholoka manga u cike mpo. -

Konima ja mbika okua popi isheue omalaka gomagandambadi, ongame nonda tsuua ku go.

- Ngashingeji u nokutseja, - osho a tsikile, - kutja uufuci otau ti ngiini. Ongoje omufuci, ndele ou na oku u hulica. -

Shika osho ashike oshinima te dimbulukua nde, shi gandlelelele ku meme.

Okuza mpoka onda kuata isheue omainjanjudo giili: okunua.

Oluindjilindji onda hijua kaahangi jii-kaliha nojooljafaula ngashi naanaa omunezimo ljaapangeli. Pecimbo ljiijimati, ihandi pitilile egumbo hali kala omagongo nenge hali ningua olambika.

Aluhe onda li nda kolua - oonakuenda na ngame ja nu uo noja kolua; okunua nokukolua oku oshinima shimue. - Onda kuatua kuuvu (molu okunua) ouo noua hepeke meme. Ohugunina okua indike ndje okunua. Kandi shjuo ngele andola okua li ha uuvu ngele onda vulika tuu ku je.

Kombinga ja kuku okua li a fatula ta ti omulumentu omukuluntu e nokunua, onkene aalumentu aagundjuka je nokuideula nokui igilikica manga aashona.

Opecimbo ndi li okasitangombe hatu lica na Majeriman momadija, ookuume kandeje jamue ja tameke okuja koskola. Jamue ja kala haa ji koskola jaahongi jokuSwitserland nokukamutumba kiipundi moongulu; jamue isheue ja ciminikua okuja koskola jEtumo ljaAakatolika ji na uukule hau endua ootundi mbali. Iihuna mbika ngame onde ji henuka, oshoka ongame omukua-niilua Shitlangu.

Onda tokola itandi njanjudua koskola. Itandi dimbua esiku ljetango sho ndu uva oshitja shino oskola onda diladila osho omakotokelo gouala ihe otaga ka za ehepeko. Sho nda li nda pulua komutiligane e li kemulutija kutja omulongi Mutombeni okua kala peni, onda li nda ti kandi shi po. Ngashingeji nda tseja po. Oluindji nokuli aamuameme aakadona ngele taje ja kegumbo ohaa pula ndje tu je najo koskola jomulo-

ngi oje ngo. Jo jene oja ji ko mbela ngiini nkuija, omolu omaciminiko giilonga kua li je ga na? Oja koka notaa vulu okuja noondjila dauo. Oje na nokuli ookuumekadonauo jauo aanaskola.

- Ila tu jeni, Shitlangu, - osho ja ti. - Oto ka mona eha ljeskola nkene ljoopala. Ohatu lesa, hatu imbi notu nomahokololo taga hokolola Omuaa Jesus.

Shika osha tula ndje momadiladilo. Okutameka oskola ndjika, uukuluntu uandje onkene tuu otau longo, oshoka nokuusita, nando atuhe aamatjona, ongame nda simana ndi vule ongundu ajihe. Na ngele ope na sha tashi ka ilongua, oshike pamue? Ezimba ljepangelo sho nde li makele ondi uete otandi li taamba ngashi jalue, nondaa na po nando ediladilo lilue. No komeho gaajihe, koskola oku na Omuaa ngu Jesus, nde mu uvu kaamuameme noku li natango momakutsi gandje. Ihe omuaa nga ngame kandi na niilonga jaaua jaa shi jezimo ljetu.

Omolu okukonakona onda landula aamuameme esiku limue. Sho ndi li megumbo onda kala nda muena, oshoka onda didilike kutja mokuja kuandje koskola otandi ningi sha inaashi ndjangela uunenentu uandje, nonando tandi ji ouala okutala. Aamuame oja fala ndje moskola jomapakolua. Onda tameke okuilong 'uuitumbuli nokutala naua komafano ga canekua mepakoluambapila lja tsilikua kekuma. Onde u ilongo mbala nesiku lja landula onda tsikile nepakolua etijali noشو ketitatu.

Ecimbo ndjoka onda kambulua kombili jaanonaa joskola. Emueno ndino negundjilo uo otali zi peni? Omulongi Mutombeni ke na uudigu okuvulikica aanona nokuisimanekeka kujo. Oje mestela guoskola ndjoka.

- Ngame omushike nduno moskola ndji? - Omumuameme okua jamukula: - Omunaskola ngashi aanaskola jalue. -

Onda shuna kekango ljangje, komatale gandje, kokukalamuenjo kuandje kuomiihua. Tadi tsikilua.

EJUMUKO.

Otse ngele tui inekela Kristus omuuju-ni mbuka amuke, nena otse oohepelelela tu vulike kaantu ajehe.

1 Kor.15:19.

Aluhe oku naantu mboka ja fa ja hala okukala aatandunge je vule Kalunga muene. Ojo ngele taa uuvu ejumuko lja Kristus nenge ejumko ljaasi tali popiua, ojo otaa ti ashike: "Osho itashi vulika." Aantu jatjangaaka oja li ko uo naale. Oja aadika nokuli megongalo ljokuKorinto. Paulus ote ja pukulula mpaka note ja ulukile, okuaaitaala kuauo nkoka taku ja fala. Ojo kaje shi shi shoka taa popi. Ando Kristus ina jumudua, ando ongiini? Ando oonakusa itaa jumudua, ando ongiini? Ejamukulo ou li shi tuu? Ngele oonakusa itaa jumudua, nena Kalunga kee shi ue omusindani, aaue, eso otali mu sindi. Nena eso olja ningi Kalunga, manga Kalunga a ningi oonakusa. Nena otse otua ningi oohepelelela, sho tui itaala Kalunga ngoka kee noonkondo, ihe ota njengua keso, naanaa ngashi omuntu uo.

Ihe Kalunga na hambelelele, onguka te tu pe esindano omolu Omuaa guetu Jesus Kristus!

(Elundululo)

OUNJUNI TAU TONGO SHIKE

CKAUE KAPE KA MONIKA FOPEPI NOUAMBO.

Etulilo leeshikepa hali diladilua ku Rocky Point.

Pokati komuedi Desember 1955. ovasamane Jack Levinson na F.L. Veraart ova enda komuŋgulo ueluta pokati komulonga ua Kunene na Swakopmund. Ku Rocky Point, emaila 150 okudja pehulilo lomulonga ua Kunene okujuka luokuumbuaŋu, ovo va hovela okukonga okaue. Ovo ova shoka medu eetundi dimue, ndele va kuta mo ouue va jada oshijaha, vamue vo muvo ove fike poŋu jekuude. Eshi ovamoni ova kufa mo ngaha pakendabalo lotete okaue ke dule omafele avali, ove shi didilika, kutja oŋele ojo otai ka kala i na oujamba ngashi naana oŋele ojo i li pu Oranjemond. Opu diladilua momudo oku ku tumine diva omashina madjuu ku Rocky Point oku ka hovela ko oshilonga. Oku na eetone deemilijone dedu lokaue.

Emoniko eli ledu lokaue otali ka ende-
lelifa etungo letulilo leeshikepa koumbangalaŋu ua Suidwes nediko lolutenda tali di ku Rhodesi tali juka komuŋgulo ueluta lokuuninginino.

Oule ueedula ŋano ovatiljane va tandavela neeŋgono kuumbangalaŋu ua Suidwes. Oko kua shiivika eefalama dipe di dule ejovi limue. Okua tungua ojo oshilando oshipe tashi ifahua Welwitschia. Divadiva neudo ku Nurugasblok otaku ka tula natango eefalama efele.

Oshilonga shinene shetulilo leeshikepa kuumbangalaŋu ua Suidwes osho oshe uja nokuli konima jeedula mbali, shashi ku Kaokoveld okua monika omamanja omajamba oo haa di oivela. Okua tiua nokuli, oŋele ojo oi noivela ihapu i dule eeŋele dihapu mounjuni. Ndele ne epulo linene ola li ngaha: Ohatu dulu ngahelipi okutuala omamanja oo mahapu madjuu koilongo jokokule?

Okutuma molutenda olo linini la kataula okudja kOutjo fiyo oko Usakos, ndele kuinja taku ka tulika vali me-hina olo la kula, ihaku dulika vati. Okua monika nale oudjuu meshina olo linini okutulika omamanja oo ongopolo okudja ku Tsumeb. Nokuli etulilo leeshikepa ku Walvisbaai ola finana unene.

Pokati opo Rhodesi osha hovela okudiladila onduge ja kola, ngeno olutenda li taulule Suidwes nokuja komuŋgulo ueluta lokouninginino. Okua jelekua nokuli nale kebulilo lomulonga ua Kunene oŋele jetulilo leeshikepa lipe, ndele otashi ka pula eemilijona dihapu doiponda okukufa po ehekedu olo li li ko lihapu. Ndele oŋele imue ojo i na oupu ojo tuu ojo i li pu Rocky Point.

Olueendo luomuhona Van Zyl olo la ende ole ouduali uinja komuŋgulo ueluta fiyo opehulilo lomulonga ua Kunene ola hanga ko eeshi dihapuhapu. Oŋge hano ova indila ku tungue diva etulilo leeshikepa pu Rocky Point.

(Die Burger)

OTO JI PENI AFRIKA?

Joh.14:6.

Nena otandi popi aakriste aafrika ja zi momilema ominene. Afrika olja tsejika evi ljomilema muujuni kamua li uujelele mu Afrika. Aantu jetu inaa tseja Kristus, nokua li kuaa nenjanju nombili na Kalunga, Tate. Otaku pulua ngele otua tseja ondjila ndjoka tatu ji najo. Otatu ji komeho nenge omonima? Otatu ji pombanda nenge omevi? Otuli mondjila jomuenjo nenge ojeso? Ecikilo ljetu ljahugunina olini? Ejamukulo tali vulu li kale ljaajehe, efupi. Afrika oli li ngashika omavi omakuauo. Oku niinima ojindji taji entamene Afrika, no taji siikile Afrika ongiikogo polumue, ihe oje tuu ngoka ohela nonena na ngula. Oohapu de nongerki je otadi ka kala, noljo e tegameno ljaAfrika ndjoka, ojo ondjila joshili jAfrika, Afrika oli li mekulouagalaŋa. Pokukokola ondjila ope nojindji, omahala omauanaua nomanjanju noondjila adihe otadi ukilile Afrika, tadi uvaneke sha. Ihe oshike? Ope na sha tashi vulu okuhupica cmuenjo guAfrika. Kalunga ta tula Afrika mesindano ljomushigakano guOmuhupici Kristus. Oljo alike etegameno ljaAfrika ndjoka, noljo uo ljomavi omakuauo, niiguanu nomaludi nenge ljomuntu gumue.

Afrika ngoka e li momilema ote ende nondjila jeso taji fala mekanico. Afrika a taamba Kristus ota jelukile pombanda pondjila jomuenjo nokegumbo lja Tate megulu. Meendelelo ndika otatu diladila naa naa kutja: Otatu zi peni? No tu li peni? Manga inatu ja mepulo ndika. „Oto ji peni Afrika?“

Otatu zi peni? Otse otua zi mu „Afrika ljomilema“. Okutaamba evangeli ljuhupico okuo okutaamba ongerki onkriste ja zi kiilongo ja halika ku Afrika ljomilema. Oshili joshinima ojo ndjika kutja tse otua taamba evangeli ljuhupico omilema kadi shi ouala epasilua, aue, otadi holoka kutja inatu tseja oshilongo sha Kalunga kashili. Omilema tadi ningica iimenka aacici niigeti, iipue, uuholume, niinima ji ili noji ili miilongo mbjoka ja tula omuntu peha lja Kalunga noje mu injongamene. Omilema dika tadi lotica omikalo mokukala kuomavi agehe. Ihe Jesus Kristus nge ta taambua moomuenjo daantu, otadi zi mo. Jamue jomutse otua zi momilema, uujelele tau kumica mu Jesus Kristus. Aafrika ojendj ojo taa kala momilema nando evangeli olju uvicua nokuli lja pitilila oomvula ecele.

Ihe ondi itaala kutja epulo ndika otali pulua ongerki onkriste mu Afrika. Tse mbaka jongerki otatu uspa okupandula Kalunga notatu jamukula kutja „tse otua za momilema“ iilonga jetumo ekriste je tu etele uujelele. Otua mono omilema naa naa noonkondo dado, otse notua taamba ondjila ja Kalunga taji tu hupica mu Jesus Kri-

stus Omuua guetu.

Ngashingeji otu li peni? Onda tumbula nokuli kutja Afrika olja topolua miitopolua iijali. Oshipambu shimue shAfrika shoka inashi taamba Kristus Omukulielelela otashi kulukile mondjila jeso nojekano. Jamue oje li ngaa mpoka „muuhasha“, je li pokati. Kaa luete sha je shi hokue ando. Jamue oja shambukua komauvaneko giifundja, omanjanju guujuni mbuka tau ka hula mbala.

Oshipambu shimue oshi li mondjila, ojo ja taamba Kristus Omukulielelela. Ojo taa lamba edidiliko ljosihili. Kalunga muene a tula kegulu omushigakano gua Jesus Kristus nehupico lje. Oto ji peni Afrika? Afrika ngoka inaa taamba Kristus oku li natango momilema nota kulukile mondjila jeso. Omolua shoka tatu jamukula ejamukulo ljetu enene oondika tu longe oshindji tu sindile Kristus oomuenjo tse tu mu sindile uujuni. Sho tatu tseja ondjila notatu tseja naua kutja otaji fala mekano ljaaluhe. Mu Afrika omunetilo enene nena ndjika netilo oljondika, Afrika mpoka tali falua. Itandi popi po, onda tila, natu galikane aluhe O muua a dimbulukue Afrika ljetu ehohike.

Omuua okua jambeke shili ongerki jelico ljeitaalo (nehempululo ljaljo ljevangelili li nomuenjo muujuni ua mbualangandja), miilonga jomuujuni auhe, metaandelico ljevangelili ljuhupico, metalaleko ljuudigu nomehumbato ljiilonga jeputuko nomejakulo lja guana lja jooloka. Ihe onkondo oone ne duukualutheri otadi zi muukriste hamu sha shilue. Otadi zi muuciga uopambepo mboka tua taamba. Ediladilo lja jele ljonduge ja Kalunga mokuteda ekulilo otali holoka moohapu de. Oohapu doka otadi tu kuatete komeho tu tuulunge omilema nomomalimbililo guunanena, tse tu cike kesindano lja guana nombili jaantu ja Kalunga. Odo otadi tu cikicile uo meitaalo ljeifupipiko lja na malimbililo nomapulo gasha ndjoka tali taambua meuvico ljelaka tali zi momanjolo omajapuki. Omanjolo ngoka ogo oohapu desilohenda lja Kalunga kaapunduki nodekulilo ljaantu.

Oohapu dika dontalanteni odo omukanka itagu injenge guetegameno ljetu nomuuliki guetu mokukalamuenjo guetu, nena, ngashika momasiku ga Luther nosho tadi ka kala po nomomaujuni tage ke ja sigololo ehulilo ljuujuni noketendo ljelua. Oohapu da Kalunga tadi kala aluhe, nomoohapu dika desilohenda lja za ku Kalunga nodeuiliko otatu mono mo etegameno, oonkondo detu nehupico ljetu“

Shadrak Bengu

(Oshipopiua shoka oshomusitagongalo omuzulu Shadrak Bengu mu Marangu Tanganyika

Sha ndongekua ku

Jason Amakutua).

Omukuetu guokUushimba tashi landua 3/- One mboka inamu guanica iimaliua mbika, guedeli ko opo mu tumine cshifo sheni“.

AALESHI TAA NJOLA



LUKAS SHEENDELUAKO A FI ETI
11 SEPTEMBER 1955.

Omulongi Lukas Sheendeluako okua pita motikola mOnguediva emudo 1932, Omudo 1933 okua kala omulongi omudiinini momukunda uomOnguediva Omashekediva fijo omudo 1936. Okudja opo okua tembukila keengulu dOnguediva nofikola jaje, oko a kala ta longo fijo omudo 1952, nokua efa oulongi omolu oudu.

Efimo alishe Lukas Sheendeluako a kala omulongi omudiinini nomunashili. Ovapaani yahapu ve lidilululifua ku je. Mopenda okua kala e tu dule fje ava tua li po eenjilovele, ovanjasha notua longua tu mu dule.

Eifano laje okudja mounjuni omu eshi la fika okua kala e na oitja ei mokanja kaje: -ila -na -eua.- Ojo a kala najo fijo efiku 11 September 1955 eshe e tu fija po.

Natu kale jo ovamati ovadiinini vashili.

Mateus Mudjanima.

KOVAEVANGELISTE: MOUAMBO NOMUUSHIMBA.

Lesha Mat.21:1-3.

Otekiste ei oi nokatongotongo moku i tala. Omuene eshi a fika pomunda jeemono, omunda jokuilikanena, okua kufa ovahongua vaje vavali nokue va tuma, va ka pandukulule okandoongi.

Otse naave otua tumua jo kOmuene, tu ka pandukulule ava ve li moipandeko jomutondi. Oipandeko jomutondi ojo: ohole joipala, oluisho, oihelele, ondubo, oungholui uengadja noshikaliva eshi sha hapupala, oikoluifa ikua noinima imue ihapu. Omuene okua teelega tu va pandukulule tu va tuale kuje, Shingifa ombongo jomuene. Oufiku va tja keengulasta. Likunda navo. Va ilikanena jo. Va tuala ku Kristus. Rom. 13:12.

Ev. Werner Amuaalua,
Otjiwarongo.

ETSEICO.

Ngele pe na ngoka a kanica ongombé onani, huka oku nongombe ja toolua 55, momuedi guontumba pamue ojoje ila u ji tale.

Omufitueelo Ombalantu.

ECIGACANO.

OMUKUETU OKUA DIMBULULA AALESHI JE JA FA JE MU HOKUA

OPO OMUKUETU A TSEJE NAUA OHOKUE JA KEHE OMULEHSI MPOKA JI CIKE, OTAPU NINGUA ECIGACANO LJA ALESHI. OMULESHI KEHE NA HIJE AATAAMBI AAPE JOMUKUETU. EHALICO NDJOKA NALI TAMEKUE OKUZA KESIKU UA PEUA OSHIFO SHIKA SIGO OPEHULILO LJA MAART. NOMUAALU GUAAMBOKA UE JA MONO NAGU TUMINUE OMUKUETU PAMUE NIIMALIUA JAUO. NIILJA OTAJI TAAMBIA UO OSHIFO SHIMUE OOLITRA 10.

ECIGACANO NDIKA KALI SHI LJAA MBOKA JA KALA SHITO HAA HALICA OMUKUETU, AUE, OLJA MBOKA JA KALA AATAAMBI ASHIKE, OJO TAA CIGACANA NGEJI MOKUHALICA UO.

AATANGO 10 JOMUMBOKA JA HALICA IIFO OJINDJI JI VULE JOOJAKUAUO OTAA KA PEUA ONDJAMBI. NA MBOKA JA MONO AATAAMBI 10 NENGE OJENDJI JE VULE MBOKA OTAA PEUA ONDJAMBI NDJOKA AAHALICI TAJE JI PEUA PAMUE NONDJAMBI NDJOKA JECIGACANO.

MBOKA TAA INJOLICA NGASHINGEJI OTAA PEUA OONUMERI ADIHE DOMUVO OKUZA KU JANUARI.

OSHO NGEJI UA PEUA OMPITO OKUJAKULA OSHIGUANA SHAANDJENI MOKU SHI HUMICA KOMIHO.

TAMEKA ANO NUULADI.

OMUKUETU.

Omakundo.

Gideon Sakeus Windhoek ota ti ngeji: „Galikana Kalunga e ku pe ombepo jomuenjo omupe uaa kale omupika guikolika.”

S. Vilho Oranjemund ta njola ngeji: „Ngele to indile sha k'Omuua neinekelo oto shi peua, onke tu indileni neinekelo.”

J. A. Mungungo Tsumeb te tu dimbulukifa ngaha: Efimbo lopaife ola huunina ngashi tu uete omamakelo omutondi e li po eliji no kulili. Tonda satana, kala mu Kristus.

Timoteus Kamati Tsumeb a ti: Omukuetu omuholike, eumbo loje omeulu oko Kalunga te tu teelega e tu hupife.

Mateus Nangombe, Oranjemund, okua limbililua uukriste uaamboka taa shekica omaimbilo moohango moku ga imba naji. Jamue taa lundulula nokuli oohapu dago. Oje ote tu etele omatompele ga tsa gomoohapu da Kalunga: Luk.21:34-36; Ehol. 21:5,8; 1Kol.14:20; 2Kor.5:17.

OMAKUNDILO.....

jamukula nokua ti: “Ongame omusita ngo omuuanaua, ngaje ndi di shi doka dandje. Onde di gandjele omuenjo guandje. Ondi na oonzi dilue uo, daa shi domoshigunda shino; na dijaka ondi noku di eta mo, no tadi uuvu eui llandje. Indeni nuujuni auhe, ne mu uuvicile aashitua ajehe evangeli. Ihe tala, ongame ndi li pamue nane omasiku agehe. Ihomatekeni iikondjico ajihe ja Kalunga.”

Ngele tua hala okuipopila naua. otu nokuilongekida tu denge aatondi, manga tse jene inatu dengua. Kehe omukriste e nokuilongekida, a kale e shi kujamukula kehe ngoka te mu pula omukanka gueitaalo noguetegameno lje. Omukriste kehe e nokulongua naua ehempululo ljetu ljeitaalo, opo kehe gumue a kale i itaala Kristus nettaalo ndjoka hali longo mohoole. Aamuameme, tu uuvaneni: kehe gumue ta likolele Omuua omuntu gumue. Longa nokugalikana ngu cigile iinima ajihe jilue miikaha ja Kalunga.

Otua hambelele Kalunga omoluaamati je mboka ja peua ediladilo ljokuhija oshigongi shika. Otse ojendji otatu lile mboka aashona oongunga oonene.

Noohapu dika oofupi otua hala tu mu kundile po noomuenjo adihe medina ljoshigongi shika. Oje ngoka a tameke mutse oshilonga shika oshiuanaa, oje ne shi guance uo sigo esiku lja Kristus Jesus!

EPUKULULO

Moshifo sha Januarie miiholelwa yomukalo omupe gwokunyola mwa holoka omapuko gamwe omawinaji. Omatumbulo gamwe naga tye:-

“Oondhila odhi nihandhila yadho. Oondhi ndhika otadhi hepeke iimuna.”

Omukuetu.